

*Quod felix faustumq. sit!*  
EXERCITIUM ACADEMICUM  
exhibens Discursum  
DE

# SUCCESSIONE FEUDALI

brevem,

quem

*Autoritate & Consensu Magnifici ac Nobilissimi  
Jctorum ordinis in famigeratissimâ legum Nutrice ad Salam,*

PRÆSIDENTE

VIRO

*Nobilissimo, Amplissimo, Consultissimo, atque Excellentissimo*

DN. GEORGIO ADAMO Struben/

Jcto, Prof. Publ. celeberrimo, Consiliario Saxoni-  
co gravissimo, facultatis Juridicæ Seniore eminentis-  
simo, Dicasterii Provincialis & Scabinatus

Assessore meritissimo,

Dn. Præceptore ac Patrono suo omni observantiæ  
atque honoris cultu ætatem devenerando,

*benevolæ eruditorum censura subijcit*

GÜNTHERUS MACKIUS, Königseha-Schwartzburgicus

AUTOR


in Themisterio publico

*Ad diem*

*Novembr. horis consuetis.*

J E N Æ,

è Typographeo JOHANNIS NISII, Anno M DC LX.





PER-ILLUSTRI ATQVE GENEROSISSIMO  
COMITI AC DOMINO,

DOMINO

ALBERTO ANTONIO,  
SACRI ROMANI IMPERII QUATUOR-VIRO, COMITI SCHWARTZ-  
BURGI & HOHNSTEINII, DOMINO ARN-  
STEDI, SONDRSHUSÆ, LEUTENBERGÆ,  
LOHRÆ & CLETTENBER-  
GÆ, &c.

*Domino ac Comiti suo Clementissimo*

Exercitium hoc Academicum

*humilimè offert,*

*consecrat*

*Subiectissimus*

*atq;*

*Devotissimus*

*Cliens & Servus*

GÜNTHERUS MACKIUS.

IN NOMINE DOMINI NO-  
STRI JESU CHRISTI feliciter ad  
omnes actus progredimur. *l. 2. pr. C. de offic. Praef.*

*Prat. affr.* Hinc discursum praesentem in divino ipsi-  
us nomine meritò exordior. Sit itaque

THESIS I.

**Q**uamvis nulla antiquissimo  
tempore in feudo successio obtinuerit,  
sed pro arbitrio Domini singulis annis  
revocari potuerit. *l. f. 1. §. 1.* Nihilomi-  
nus tamen tractu temporis tacitè irre-  
psit, & primò ansam dedit, quod per annum *d. §. 1.* & de-  
inde in vitâ non poterant auferri *d. §. 1.* donec in usu es-  
se cœperit, sed tantum restricta ad lineam descendantem  
& quidem primùm ad filios. *d. §. 1.* sed postea etiam ad  
nepotes *l. f. 1. §. 2.* & deinceps usque infinitum. *l. f. 1. §. 4.*  
est extensa. Sequenti tempore tamen valere incepit in  
linea collateralis, & primò tantum fratrum successio. *l. f.*  
*1. §. 2.* postmodum verò ad patruces. *l. f. 1. §. 4.* deinde  
ad quartum gradum. *l. f. 8 §. 1. 11. f. 26. §. 51. vasallus cul-*  
*pam.* & ulterius usque ad septimum gradum transit. *d. l. f.*  
*1. §. 4. d. l. f. 8. §. 1.* Donec tandem (puta in collateralis-  
um masculis ex primo tamen acquirente per lineam ma-  
sculinam descendantibus) in infinitum jus hoc succe-  
dendi fuerit devolutum, tam in feudis Regalibus quam

aliis. *l. f. 14. ll. f. 93. in fin. ll. f. 31.* quo jure etiam moribus hodiernis utimur.

II. Longè autem differt hæc successio à successione communi ; In hac enim primo loco attenditur ultima voluntas defuncti, & deficientibus testamentariis heredibus, denique ab intestato succeditur ; In jure verò feudali posterior tantum locum sibi vindicat exclusâ omni successione testamentariâ. *l. f. 8.* id neque injuriâ ; Nam de illis demum licet testari, in quibus aliquis liberam disponendi habet potestatem ; aliâ non ex nudo testatoris beneficio perveniret. *l. 22. §. 1. ff. de Adopt.* Atqui Vassallus non habet liberam disponendi potestatem ; quia non est plenus Dominus, Ergò neque testamento ad alium deferre potest ; quod in tantum verum est, ut, licet Dominus feudi in testamentariam dispositionem consentiat, cum nec hic regulariter agnatis aliisque legitime successuris præjudicare possit, nullum exinde accipiat effectum. vid. *b. m. Dn. Gotifridus Suevus, P. P. Witteberga quondam celeberrimus, Præceptor meus desideratissimus. Exercit. Feud. 6. §. 3.* Exallata ratione etiam exheredati intrepidè succedere possunt, nec attenditur, siue causa exheredationis fuerit justa, siue injusta, cum enim hereditas & feudum sint separata. *ll. f. 45.* quid ni etiam exhereditatio è privatione feudi ? imò nec plures filios habens uni ex filiis plus. quam alteri assignare potest. *l. f. 1. §. quia videmus.*

III. Dicta tamen limitantur à Doctoribus affirmantibus (1.) quod in feudo novo Pater cum consensu Domini etiam in præjudicium filiorum, in feudo disponere possit. *ll. f. 55.* æquum enim esse, dicunt, ut, quod Pater acquisivit, & Patris contemplatione concessum est,

est, possit cum concedentis consensu pro lubitu alienare. (2.) Excipitur feudum hereditarium, ex hac ratione, quia heres contra factum defuncti non potest venire, nam ex qua persona quis lucrum sentit, ejus factum impugnare non potest *l. 149. de Reg. Jur.* & his duobus modis etiam exhereditatio locum habet. (3.) Posse disponi, si consensus Domini interdum solus, interdum unâ cum consensu agnatorum accedat; talis enim ratificatio, licet fiat in præjudicium Domini ratificantis & agnatorum consentientium, mandato æquiparatur. *l. fin. C. ad Scrum Mac.* (4.) Valere existimatur, si instituti sunt, qui aliâs ab intestato erant successuri *v. g.* filii, quia nec Domino nec agnatis præjudicium inde fieri videtur. (5.) Adducitur consuetudo, quia hæc præferitur juri scripto.

IV. Præter hos verò casus dispositio testamentaria adeò prohibita est, ut, etiamsi Principis autoritate confirmetur, nullum effectum habeat, aliâs enim jus quæsitum, quod habent successores legitimi, ipsis auferretur, & tali confirmatione ad alium transferretur, quod non debet fieri. *l. 11. de Reg. Jur.* neque id ex plenitudine potestatis facere potest, quod probo hoc argumento: Quicquid est contra jus Divinum, Naturale, & Gentium, illud Princeps non potest; atqui subjectis bona auferre est contra Jus Divinum, Naturale & Gentium. E. Subjectis bona auferre Princeps non potest. Consequentia Majoris est clara, quia Princeps illis juribus est inferior. Minor est trimembris; Primum membrum probo *1. Reg. 10. v. 9.* ubi dicitur, quod Princeps ad faciendam justitiam sit constitutus; Contra justitiam autem facit, si autoritate suâ cuiquâ suum aufert, cum ejus proprium

A 3

prium sit alienum non attingere *Ezech. 45. v. 8.* Secundum membrum, quod nimirum sit contra jus naturale, nititur hâc ratione, quia juri naturæ æquum est, ne quis cum alterius damno fiat locupletior. *l. 206. de Reg. Jur. l. 14. ff. de condi&ct. indeb.* Tertium membrum probo, quia ita nemo aliquid certi posset possidere, cum tamen dominia Jure Gentium sint introducta. *l. 5. ff. de J. & J.* Parumque refert, siue illa Testamentaria dispositio sit solennis, siue minus solennis, cum nec saltem ad animæ salutem, vel ad pias causas vel Ecclesiæ commodum legari possit. *ll. f. 9. §. 1. in pr.* imò nec æstimatio rei legatæ debeatur, quod probo, quia, quoties legatur res, cujus commercium legatarius non habet, tunc legatum usque ad eò nullius est valoris, ut nec æstimatio inde debeatur. *§. 4. Inst. de legat.* atqui feudi commercium Vasallus legatarius non habet, uti apparet ex Theſ. 2. Ergò legatum est ad eò nullius valoris, ut nec æstimatio inde debeatur.

V. Successio feudalis igitur talis est legitima, quæ ab intestato defertur, & potest describi, quod sit nihil aliud, quam modus, quo Vasallo priori deficiente, feudum ad legitimum devolvitur successorem. Ad successorem autem legitimum requiritur, ut feudi sit capax & quidem ex sanguine primi acquirentis per lineam masculinam legitimè propagatus *v. g. filius l. f. 13. v. et si clientelus.* Nepos, Pronepos, Abnepos, imò nec nasciturus *v. g. Embrio* potest excludi, unde vidua gravida tam diu ventris nomine possessionem retinere potest, donec pariat; tunc nativitas posthumi masculi probari debet, secundum Jus Saxonicum, quatuor viris & duabus mulieribus, quæ parturienti præstò fucere. *Sandr. lib. 1. art. 33. v. und hat die Frau das Zeugnuß.* Neque excluduntur filii



filii per subsequens matrimonium legitimati, tales enim naturales amplius dici non possunt, quia censentur nunquam naturales fuisse, sed habentur propter subsequens matrimonium, quasi ex affectione maritali in conjugio procreati essent. *l. 5. in fin. C. de natur. lib.* Adcoque legitimus & legitimatus per subsequens matrimonium sub uno nomine & sub eadem appellatione continentur in *Nov. 12. c. 4. circa fin.* Neque illi, qui ex erroneo matrimonio sunt geniti *i. e.* ex parentibus, quorum ambo, vel alter per errorem bona fide contraxit nuptias. *Nob. atq. Excell. Dn. Pres. in Syntagm. Jur. Feud. cap. 9. aph. 3. num. 13.* Neque remouentur procreati à parentibus, qui sponsalia quidem iniere, sed propter mortem fortè alterutrius, sponsi scil. vel sponsæ, solenni copulatione ac benedictione sacerdotali nuptias celebrarunt; ista enim solennitas Ecclesiastica non ad ipsam matrimonii essentiam pertinet; sufficit, quod essentialia matrimonii adsint, & licet peccaverint contra ordinationes Ecclesiasticas, dū, antequā nuptiæ solenniter celebratæ fuerint, concubuerint, & adhuc, si super vixerint, illas adhibere teneantur; non tamen propter hoc peccatum parentum, & solennitatum harum defectum, ipsum matrimonium est nullum, adeòq; nec ex illo procreati illegitimi sunt vocandi. *Nob. atq. Excell. Dn. Pres. cit. loc.* Neque emancipati, quia filii per emancipationem non desinunt esse filii *l. 3. §. 5. ff. de honor. poss. contr. tab.* nec ulla est differentia inter hos & illos, qui adhuc sub patriâ potestate sunt *Nov. 113. c. 2. in fin.* Ergò etiam hi propter generalitatem textuum *l. f. 8. l. f. 11. l. f. 50.* successores sunt legitimi.

VI. Ordo verò & modus succedendi talis adhibetur: nim. Primò ordine vocantur descendentes; *v. g.* filii,

filii, nepotes, & sic consequenter in infinitum; sed modus secundum quem succedunt talis est: Filii Patri defuncto succedunt aequaliter, & inter se feudum in capita dividunt. *l. f. 1. §. 1. in fin.* Major facit divisionem, minor autem habet electionem, quod tamen consuetudo ad duos tantum filios restrinxit; hodie enim si Vassallus plures reliquit, per sortem aut officium iudicis fieri solet divisio. Hic modus tamen non procedit, si feudum est regale annexam dignitatem habens, tale enim quia est individuum, exclusis reliquis fratribus integrum relinquitur primogenito. *A. B. Car. IV. tit. von der Churfürsten Nachkommen wegen 7. v. und gebieten demnach 24. junct. tit. 24. §. denn wenn andere Fürstenthum v. darumb wollen wir.* Vel, si primogenitus inhabilis extiterit, secundo genito & sic deinceps. *A. B. d. tit. 24. d. §. Denn wenn andere. v. Es sey denn daß er seiner Sinn beraubet.* Neque procedit, si feudum nimis est tenue, ita, ut facta divisione ad singulos exiles portiones redirent, tunc enim consuetudine introductum est, ut unus frater feudum retineret, & aliis pro portione hereditaria in pecunia satisfaceret; eandem tamen pecuniam rursus in emtionem feudi conferre, & fratrem, à quo pecuniam adepti sunt in simultaneam investituram suscipere, vel pecuniam ex feudo redactam feudalem efficere debeat. Notandum tamen (1.) quod in ceteris feudis majoribus *v. g.* Ducatus, Marchionatus, Comitatus &c. de notoria Germaniæ consuetudine liberi & qualiter succedant, non tantum, quod ad jurisdictionem & administrationem attinet, sed quoq; ratione bonorum partes capiant. *Schrader. de feud. part. 7. cap. 5. n. 7.* Quamvis de Jure Saxoniæ aliter obtineat, & Dominus ex defuncti liberis unum tantum investire teneatur; dum-



dummodo ceteris postea ab investito fratre satisfiat. *Landr. lib. 1. art. 14. (2.)* quod huc non pertineant illa feuda tenuia, quæ commodam divisionem recipiunt, hæc enim non secus, ac alia dividuntur communi modo. Verum si existunt nepotes, pro-nepotes &c. ex diversis filiis, illi sive soli succedant, sive cum illis qui sunt diversi gradus, *v. g.* Patris fratribus, non in capita sed in stirpes succedunt. *l. f. 8. in pr.* neque à filiis, licet remotiores sint gradus, removentur, quia jus repræsentationis in linea descendente in infinitum valet, & hic est primus ordo successioneis, *2. f. 11. in pr.* qui procedit tam in feudo novo quam antiquo.

VII. Alter ordo est collateralium in linea transversa, & afficit tantum feudum antiquum, qui tunc demum locum habet, quando defuncti descendentes deficiunt; Hic autem non quilibet collaterales intelliguntur, sed agnati tantum, & quidem exprimo acquirente descendentes. *ll. f. 11.* In hoc ordine primum locum occupant fratres *d. ll. f. 11.* qui æqualiter in capita succedunt, nilque refert, an sint consanguinei, an Germani; Licet enim in fructibus feudi à solo separatis, qui allodiales censentur, utrinque conjuncti consanguineis præferantur, attamen, quantum ad successionem feudalem ipsam spectat, quia in hac non vinculum ex parte matris, sed sola agnatio consideratur. *d. ll. f. 11.* inter illos differentia nulla est, nisi feudum sit fœmineum seu maternum, & merè hereditarium; in hoc enim frater Germanus consanguineum excludere videtur. Pari itidem modo liberi fratrum cum fratribus eorum Germanis & consanguineis in stirpes jure repræsentationis tam in feudis simpliciter hereditariis, quam in iis, quæ dicuntur ex pa-

cto & providentiâ, succedunt, *ibidem*. Sin talis casus emergat, ubi defunctus nullos prorsus fratres relinquat, sed ex fratribus prædefunctis nepotes diversi numeri existant; non poterit decidi ex Jure Feudali, sed propterea recurrendum est ad jus civile. *II. f. 1.* & dicendum, quod non in stirpes sed in capita succedant *l. 1. §. fin. ff. si pars hered. pet.* ratio est, quia sunt æqualis gradus, ideoque etiam æqualiter debent admitti. *l. 14. §. 1. v. Illo procul dubio. l. 15. §. 3. v. illo etiam observando. C. de legitim. hered. l. 2. §. 2. ff. de suis ad legit. hered. §. 4. in fin. Inst. de legit. agn. success.* Quam sententiam confirmavit Carolus V. Comitiis Spirenſibus Anno 1529. Reichs Abschied zu Speyer Anno 29. rit. Kâyserliche Constitution und Sakung/wie Bruder oder Schwester Kinder etc. Consentit, Jus Saxonicum *lib. 1. Landr. art. 17. Weichbild. rit. Schwester und Bruder Kinder* sind ein ander gleich.

VIII. Non extantibus fratribus aut fratrum filiis, tunc deinceps agnati ad successionem admittuntur, observatâ tamen gradus prærogativâ, ita ut agnatus proximior remotiorem excludat. *II. f. 11.* Proximitas autem colligitur non respectu ejus qui feudum primus acquisivit, sed respectu Vasalli defuncti, & observatur computatio quæ continetur in legibus. *II. f. 27. h. e. Juris Civilis.* quia per excellentiam hæc intelliguntur. *arg. II. f. 1. & §. 2. Inst. de I. N. G. & Civ.* non verò juris canonici, quod probô, quia jure feudali successio olim non erat ultra quartum gradum. *l. f. 8. §. 1.* & tamen jure feudali successio olim non erat ultra fratres patruales. *l. f. 1. §. 4.* Exinde sequitur, quod jure feudali fratres patruales sint in quarto gradu; verùm eodem gradu non distant jure canonico, sed jure civili, *l. fin. 10. §. 15. v. eodem gradu. ff. de grad. & affin.*

*affin. &c.* Non autem promiscuè collaterales usque ad infinitum gradum succedunt, sed distingui debet, utrum ex acquirente feudum immediatè ex pacto ad transversales transitus sit factus; an verò feudum primò ad descendentes & postea ab his ad collaterales devenerit. Priori casu non ad infinitum, sed ad septimum gradum usque succedunt. *l. f. 1. §. 4.* Posteriori autem casu successio in infinitum devolvitur *d. §. 4. ll. f. 50.* Dicta tamen licet in feudo novo regulariter non procedant, nihilominus (1.) si expeditione in hostem domini communibus armis vel equis fuerit acquisitum, vel promeritum *l. f. 20. ll. f. 12.* (2.) Si statutum aut consuetudo alicujus loci ita fert, ut in feudo etiam novo fratres ceterique agnati succedant, quia enim feuda tota dependent à consuetudine, & moribus, ideòque facillimè variari & mutari possunt, fratres, ipsorumque descendentes fratri sine liberis decedenti succedunt. De Jure Saxonico aliter obtinet ut patet ex thes. 24.

IX. Consideratis itaque qui succedere possunt, facile dignoscendi sunt, qui à successione arcentur. Arcentur scil. feudi incapaces, quales sunt vel naturâ, vel jure tales. Naturâ feudi incapaces sunt inhabiles ad præstanda servitia *ll. f. 36.* Hinc excluduntur foeminae *l. f. 1. §. 3.* tam defuncti filiae *ll. f. 23. §. fin.* quam ejus agnatæ à latere. *ll. f. 11. v. ad filias.* quod in tantum verum est, ut ne ipse quidem Dominus in præjudicium agnatorum dispensare & foeminis successionem concedere possit. Neque in feudo Ecclesiastico German. *Krumbstabs Lehñ* / it. *Krumbstabisch Lehñ* / etiam si tritum sit : *Der Krumbstab schleust niemand aus* / hoc enim est falsum, cum nullo peculiari textu, nullâque firmâ ratione probari possit, imò

ipse usus in plurimis locis reclamet ; ubi verò foeminae admittuntur, id non jure successionis, sed ex singulari consuetudine fieri dicendum est. *Rosenthal. c. 7. conclus. n. 6. lit. 3.*

X. Notandum præterea est, quod, licet foeminae non in feudum, tamen in pecuniam ex feudo redactam succedere possint, ratio est, quia talis pecunia nō habetur pro feudali. *II. f. 26.* imò licet tempore divisionis vel venditionis convenerit, ut pecunia feudalisi efficiatur, aut etiā ex illa aliud feudum emere teneatur, sed hoc nondum perfecerit & ita naturā pecuniæ in secundum non mutatā decesserit, pecunia ista nullatenus habetur pro feudali, & proinde ad bonorum allodialium transfertur heredes. Succedunt etiam in meliorationes & impensas in feudum à parente defuncto factas, quæ solvendæ sunt à quovis successore, sive sit filius sive agnatus; quamquam successoris optio detur utrum premium meliorationum factarum ipse solvere, utrum verò pati velit, ut à fundo feudali auferantur. *II. f. 28.* De Jure Saxon. omnes meliorationes quæ solo fixæ sunt, sive sint necessitatis, sive utilitatis, sive voluptatis gratia in feudo impensæ quo etiam referuntur ædificia, unā cum feudo successoribus v.g. filiis & agnatis cedunt *Landr. lib. 2. art. 21. v.* Hat auch ein Mann einen Sohn. &c. Excipere tamen volunt Dd. molam alatam pneumaticam *Windmühle* / quam non successoribus feudi, sed defuncti vasalli heredibus tribuunt. *h. m. Dn. Sverus cit. loc. tech. 8.* Ad istas verò consequendas foeminis earumque heredibus duo potissimum prodita sunt remedia. (1.) Jus retentionis, possunt enim tam diu rem feudalem retinere donec ipsis de meliorationibus & impensis satisfactum fuerit. (2.) Actio personalis  
sive

sive conditio, qua uti possunt contra feudi successorem, cui rem feudalem meliorationibus & impensis non deductis restituerunt, vel alio casu possessione ejus exciderunt.

XI. Fœminis assimilantur (1.) clerici, dum in hoc tertio conveniunt, quod æque servitia militaria præstare non possint; nam milites Christi non possunt esse milites seculi *II. f. 21.* & propterea rectè à successionem feudi arcentur. *II. f. 26. §. 4. v. qui clericus*: Etiam si per alium substitutum servire vel habitum religionis deponere & ad secularem vitam redire parati sint. *II. f. 30. in fin.* Quod enim primum attinet, propterea alium substituere non possunt, quia servitia feudalia sunt personalia, alias enim facilis ad successionem pateret aditus, offerendo substitutum, & ita fœminæ etiam per substitutum servire possent, quibus tamen non permittitur; Ergo nec clerici, qui istis comparantur *I. f. 26.* Quod ad secundum: *Nob. arg. Excell. Dn. Prasf. cit. loc. aph. 9.* hanc rationem addit specialem: quod cum quis semel per assumptionem habitus religionis planè factus fuerit inhabilis ad habendum feudum atque omnimodo inde exclusus. *II. f. 26. §. 4.* non fiat rursus in præjudicium agnatorum, aut etiam Domini, habilis. *II. f. 29.* Hoc tamen intelligendum est de re non amplius integrâ si nim. non vivente Patre habitum religionis deposuerit, sed post mortem patris & cum jam alius ad successionem missus. Nec refert, cujus ordinis sint clerici, sive sint Cardinales, sive Archiepiscopi, sive Abbates, sive alii in prælaturæ dignitate constituti, sive Monachi.

XII. Consuetudo tamen loci contrarium suadere potest, unde *Berlich. p. 3. c. 39. n. 18.* monet, quotidianam



experientiam testari, quod principes reformatarum Ecclesiarum in feudis succedant etiam si Clerici facti fuerint; Pari modo *Schulz Synops feud. cap. 8. n. 95.* dicit, in Germania consuetudine receptum esse, ut Clerici & Canonici feuda, quæ habent, retineant, atque in feudis succedant. Unde multo magis succedunt equites religionis ordinum *v. g.* Hierosolymitani, Rhodienses, Melitenses, & Teutonici, quia hi non reliquerunt arma militaria, sed potius militiæ magis sunt addicti, cum ideo ut pro religione Christiana contra Turcas & alios Antichristos pugnent, ad Insulam Mellitam & alia loca missi sint. Nisi legibus & conditionibus ordini sint devincti, ut Domino nequeant præstare ea, quæ iuramentum fidelitatis exigit. *vid. Nob. atq. Excell. Dn. Pras. cit. cap. aph. 9.*

XIII. A Jure feudali communi non recedit Jus Saxonicum; Regulariter enim Clericos propter generalitatem textus *Lehnrecht. cap. 2. in princ. ubi disertis verbis: Pfaffen sollen Lehnrechts darben:* arcet, licet per substitutum servire, aut habitum religionis (nisi ante delatam successionem vivo adhuc patre se clericatu abdicaverint) abjicere velint. *Landr. lib. 1. art. 25. Quod tamen per Nov. Elect. part. 3. const. 28. mutatum reperimus, quæ non solum equites sacrorum ordinum ut patet ex §. hieraus folget auch/ ubi habentur hæc verba: daß die Ordens Herren und Milites Hierosolymitani viel weniger in Succession der Lehnsgüter können aufgeschlossen werden/ sed ceteros etiam clericos, Canonicos & alias personas Ecclesiasticas (non rejiciens rationem: quod Domino per substitutum servire possint) ad successionem admittit. Excipiuntur ab his Monachi, nisi vitam Monasticam relinque-*



linquere & monachatus planè renunciare, statumque laicorum assumere velint. *Const. Elect. 28. §. so viel aber die Münche/* alias enim, quia nihil habent proprii, sed omnia monasterio acquirunt. *art. b. Ingressi C. de S. S. Eccles. feuda retinere, aut in iis succedere non possunt. Fœminis (2.) assimulantur Hermaphroditi, & propterea à successione feudi arcantur. arg. ll. f. 36. nec distinguitur uter sexus prævaleat; licet feudistæ communiter statuunt, quod tunc demum, si magis in sexum fœmineum, quam masculinum incalescat, à feudi successione arcendus, si magis ad masculinum quam fœmininum sexum inclinet, admittendus sit. A priori sententia non discrepat Jus Saxonicum, ut patet ex Landr. lib. 1. art. 4. in pr. ubi: Auff alljuviel stirbet weder Lehn/ noch Erbe. In foro tamen altera sententia observatur & distinctio ista secundum. l. 10. de stat. hom. adhibetur. b. m. Dn. Suevus. cit. loc. thes. 9.*

XIV. Ulterius natura feudi incapaces efficit imperfectos qui sunt vel animo, vel corpore tales; Animo imperfecti sunt: furiosi & mente capti. Ad hos tamen referre non debemus prodigos, cum ipsis sæpè allata ratio cesset, & servitia non minùs, quam ceteram fidelitatem præstare possint, etiam si libera bonorum administratio penes curatorem ejus remaneat. Corpore imperfecti sunt: Surdi, muti, cœci, claudi. Utrique enim vel propter animi & judicii defectum, vel propter corporis imbecillitatem ad servitia feudalia inepti sunt; unde, ne dominus servitiis suis defraudetur, æquum est, eos ad successionem non admitti. *arg. ll. f. 36. imò etiam si dominus ipsis servitia remittere, & in præjudicium filiorum vel vel agnatorum, ad quos, imperfectis exclusis, feudum pertinet, eos investire velit, nihilominus jure impediatur.*

*l. f. §. 1.* ratio est, quia Dominus ab initio perfectum elegit, quapropter sententiam suam in præjudicium filiorum & agnatorum, quibus jus ex prima investitura quæsitum est, non potest mutare *arg. l. f. 30.* Secus est, si de solius Domini præjudicio agitur, tunc enim imperfectis, ut etiam aliis inhabilibus gratiam exhibere utique potest.

XV. Quæ diximus de imperfectis, omnes tangit, si-  
ve natura, si-ve ex accidenti tales facti sint; & in quolibet  
feudo locum habent, si-ve sit novum si-ve antiquum. *l. f. 6.*  
*§. 2.* Intelligimus autem omnimodam imperfectionem,  
non aliqualem, ut in surdastro. *l. f. 6.* aut talem quæ arte  
medica potest curari. *Nob. atque Excell. Dn. Præf. cit. loc. apb. 10. n. 6.* Notandum tamen, licet imperfectus *v. g.*  
Mutus, aut surdus parens non succedat, filii tamen ejus, si  
extant, non obstante, quod successio non fiat per saltum,  
admittuntur; si verò ad agnatos semel feudum pervene-  
rit, licet postea imperfecto nascantur liberi, illud per hos  
agnatis non potest auferri. Imperfectos etiam removet  
jus Saxonicum, quod præter prædictos quoque addit le-  
prosos & nanos seu pumiliones, *Landr. lib. 1. art. 4. ibi:*  
*Auff Gewerge/ Krüppel/ Stumm/ Sinn- und Wiglose*  
*oder sonst unvollkommenlich ist. Aufschige stirbet kein Lehn.* Præ-  
terea tamen notandum, licet tales, sicuti ex dictis appa-  
ret, feudum non possint acquirere, acquisitum tamen an-  
te imperfectionem, propter supervenientem non expel-  
luntur, *Landr. lib. 1. art. 4. post med. ubi habetur: Hette as*  
*ber ein Mann Lehn empfangen/ the das er also worden ist/*  
*das verleuret er damit nicht.*

XVI. Jure incapaces sunt: (1.) Nepotes, pronepotes &c.  
ex filia, nepte &c: (2.) illegitimè nati. (3.) adoptivi. (4.)  
quavis in linea ascendente (5.) cognati. (6.) conjuges,  
(7.) affi-

(7.) affines (8.) Patres spirituales & ceteri extranei. Ne-  
 potes &c. ex filiâ jus feudale à successione arcet. *Il. f. 11.  
 l. f. 1. §. 3.* Ratio in eo posita esse videtur, quia successio  
 fieri debet secundum ordinem juris §. 7. *Inst. de legit. Agn.  
 success.* Filia autem, in cujus locum nepotes succedere  
 cupiunt, naturâ feudi fuit incapax; unde, cum plus com-  
 modi filiis suis relinquere non possit quam ipsa habuit,  
*l. 120. de Reg. Jur.* Matris radice amputatâ, rami quoque,  
 seu ejus filii decidunt. Illegitimè natos vocamus quos-  
 vis, qui extra matrimonium sunt prognati, sive sint na-  
 turales, sive spurii, sive incestuosi, sive adulterini, aut  
 quicumque ex hisce geniti, qui indistinctè ad successio-  
 nem non admittuntur. *Il. f. 26. §. 4. v. naturales filii;*  
 Nec ipsos juvat legitimatio per oblationem curiæ, vel  
 per rescriptum Principis, etiamsi nominatim ad feuda  
 fuerint legitimati, probo id ex generalitate textus *Il. f. 26.  
 hoc simpliciter negantis, unde rescriptum, quia benefi-*  
*cium Principis debet fieri sine alterius præjudicio. l. 2. §. 16.  
 ne quid in loc. publ. fiat.* quod prolixius probatum est thes.  
 3., successori non poterit præjudicare; Ergo (1.) non fi-  
 liis legitimè natis, quia Parens dum à Domino feudum  
 accepit, iis per investituram jus succedendi acquisivit. *l.  
 f. 8. 14. §. 1.* (2.) neque agnatis. *Gail. lib. 2. obs. 140. n. 21.*  
 quia etiam isti ex primo acquirente jus quæsitum habent.  
 (3.) neque domino, si ad ipsum feudum redit, id enim ef-  
 fet contra naturam feudi, quæ consistit in hoc, ut nihil  
 sine consensu Domini de eò possit disponi. *Il. f. 52. 55. li-*  
*cet Schraderus de feud. p. 7. c. 5. n. 23.* in feudo novo de fi-  
 liis contrarium statuatur. Possunt tamen illegitimè nati  
 succedere, quando consentiunt illi, quorum subest præ-  
 judicium. Non dissentit Jus Sax. quod illegitimè natos  
 à successione repellit. *Schnekr. cap. 2. in pr.*

XVII. Quod adoptivi à feudi successione arceantur, colligi potest ex thes. 5. quia nim. ad successorem requiritur ut ex sanguine primi acquirentis proveniat, quod tamen de adoptivis non potest affirmari, quia adoptio nihil ad sanguinem confert. *l. 23. de adopt.* hinc rectè non admittuntur. *ll. f. 26. §. 4. v. adoptivus.* alioquin per istos agnati, qui secundum primi acquirentis investiturā sunt vocati excluderentur, & Domino invito ex aliena familia obtruderetur Vasallus, quod tamen non debet fieri. *ll. f. 12. circ. fin.* Incapaces feudi porrò invenimus quosvis in linea ascendente *ll. f. 50. ab init.* ratio esse videtur, ne scil. inutilis Domino sit proprietas, quod tamen fieret, si utile Dominium in ascendentes, & deinde ab his iterum, casibus ita ferentibus, in eorum descendentes, atque ita deinceps transiliret. In foro Saxonico idem obrinet, & nullus ascendentium ordo agnoscitur. *Lehn. cap. 6. ibi: welcher Man keinen Sohn hat/ der erbet die Gewehr des Guts an seinen Herren/ junct. cap. 21. in fin.* ubi habetur, es vererbet niemand kein Lehn einen andern ohne der Vater auff den Sohn. Succedere tamen possunt, si statutum vel consuetudo loci, in quo feudum, de cuius successione agitur, situm est; id permittat. *arg. l. 9. ff. de J. & J.*

XVIII. Ulterius incapaces existunt cognati, absurdum enim esset successorē plus juris habere, quam eum, in cuius locum succedit; Uti probatū Th. 16. & conjuges, inde uxor marito & maritus uxori succedere prohibentur. *l. f. 5.* sicuti etiam affines *l. 7. C. comm. de success.* (sub quibus etiam comprehenduntur vitricus, noverca & privignus *arg. §. 6. Inst. de nupt.*) item Patres spirituales, quales vocamus, qui aliquem ex S. S. baptismo suscep-

runt,

runt, & denique reliqui extranei &c. qui nullo vinculo agnationis & cognationis defuncto sunt conjuncti, repelluntur. Nec dissentit Jus Saxonicum, ut patet ex *Glosse in art. 3. lib. 1.* verbis: *Die Schwagerschafft und Beväterschafft hindern am ehlichen Leben / fordern aber nichts zum Erbe.* Et hæc de unâ specie successionis.

XIX. Quoniam tamen pactum interdum contra feudi naturam, quod nihilominus debet servari. *II. f. 48. post med.* adjicitur, dum feudum constituitur; ideoque præter istam successionem emergit altera, sed improprie talis, vi cujus etiam incapaces succedere possunt. *II. f. 50.* quæ posset vocari successio propter pactum, & describi, quod sit jus succedendi in feudum à Domino sub conditione, si ad ipsum redierit permissum. Constituitur autem duobus modis, vel enim eam solus Dominus, vel Dominus & Vasallus possidens ex singulari conventionione tribuunt. Quando solus Dominus tribuit successionem vocatur expectativa. Germ. *Ein Beding / ein Expectant / Lehn expectant / Angefall / Anwartschafft / Anwartung eines noch verledigten Lehns* / it. *Gnaden Lehn / aufgebeten Lehn.* *Nob. atq. Excell. Dn. Pras. Syntag. Jur. feud. cap. 6. aph. 9.* Quando verò Dominus & Vasallus feudi Possessor jus succedendi tribuunt, illud fit diversimodè: aut enim ipsi investituræ, inter Dominum & Vassallum celebratæ, adjicitur pactum, quod quidam alias non successurus, casu contingente, in feudo succedere debeat. *II. f. 14. in fin.* aut singulare pactum de succedendo in feudo inter Vasallum possessorem & alium consensu Domini initur; cujus generis pacta sunt confraternitates Principum & Illustrium familiarum *Erverbrüderung.* *Nob. atq. Excell. Dn. Pras. cap. 9. aph. 13.* quæ eum in finem succe-



ptæ sunt ut ex mutua, & stabili successione, defensione, fide & concordia fraterna familiarum senescentium splendor & dignitas conservetur. *Nic. Reusn. 2. conf. 7. n. 54.* Adeoque alterius stirpe extincta, ad alterum patrimonium eorum & Principatus istâ successionis lege pervenit : Tale confraternitatis pactum inierunt Seren. Duces Saxonie cum Landgraviis Hassie. Johannes Fridericus II. Johannes Wilhelmus & Johannes Fridericus III. cum Principibus Hennebergicis, ut his deficientibus ad Cels. Duces Saxonie perveniret comitatus Hennebergicus & contrâ Hi in districtu Coburgensi succederent; Cujus vigore etiam illi succedere. Plura exempla adducit *Schönbornerus, c. 13.*

XX. Propter hanc speciem successionis succedunt foeminae in feudo foemineo. Germ. *Weiber oder Kündel Ehn* quod pacto in literis investituræ adjecto ad foeminas est transitorium, non autem in illo, quod foeminae expressè in feudum masculinum concessum est, alias verò in tali feudo admittuntur. *I. f. 2.* non aliter tamen quam si omnes descendentes masculi ex primo acquirente deficient. *I. f. 8. §. 2.* Ratio est, quia ea feudi natura est, ut locus foeminae in successione, quam diu masculus superest, patere non possit. *II. f. 17.* quod autem in talibus feudis succedat, sit propterea, quia eò ipso, quod vel feudum foemineum primitus foemina acquisivit, vel Dominus pacto in literis investituræ adjecto ad foeminas transitorium concessit, à communi feudorum naturâ & tenore receditur & foeminae ad ejus successionem, deficientibus masculis, admittuntur. Simul tamen cum masculis succedunt, si feudum ita datum sit, ut masculi cum foeminis & foeminae cum masculis succedant, cum hoc



hoc casu omnis sexus prærogativa tollatur. *l. f. 104. §. 1.* Non autem; si feudum in investitura pro masculis & foeminis vel pro filiis & filiabus nudè sit concessum; dictio enim *CUM* importat successionem simultaneam, non eadem vis particulæ *ET* inest, undè in hoc filiis exstantibus filia excluduntur. *l. f. 6. §. 1.* Eadem Juris dispositio est in progenie ex linea foeminea; licèt enim feudum sit transitiu ad foeminas, & ita quodammodo foemineum factum, nihilominus foeminis, quæ in eò volunt succedere, masculi præferuntur, licèt remotiores sint; quod si verò feudum per successionem foeminæ jam dum acquisiverunt semel admittæ per supervenientem, seu postea natum masculum non excluduntur, sed feudum in totâ virâ retinent, quia ipsis propter existentiam causæ scil. defectum masculi, jus successionis est quæsitum, adeoque, licèt eâ causâ postea desinat, puta per masculum supervenientem, jus tamen ipsum retinetur *l. 4. C. quando dies legati cedat. nec propterea solvitur l. 57. §. 1. in fin. ff. de vi&.* Undè superveniens masculi nativitas nusquam in Jure Feudali inter modos feudum amittendi numeratur.

XXI. Licet hoc in feudò foeminæ à masculò excludantur, propterea non censentur perpetuò exclusæ, sed mortuò istò, ad successionem feudi tunc etiam admittendæ sunt. *l. f. 8. §. 2.* etiam si *l. f. 6. §. 7.* dicatur quod foeminæ ulterius non admittantur, aliud tamen est non admitti, aliud excludi; Hoc enim, dicit *b. m. Dn. Sverius cit. loc. Thef. 7.* spem successionis omnem adimit, illud verò modò suspendit; Si igitur dicitur citato loco: Ulterius non admitti, id est accipiendum ita: quod scil. removeantur, vel non admittantur, donec masculus exi-

stat. Succedunt porrò fœminæ in feudo franco Germ.  
**Freylehn!** vel etiam conditionato, seu concesso ad cer-  
tum servitium, item in feudo censuali; Dominus namq;  
servitia planè remittens, vel servitio tali, ad quod tam  
mas, quam fœmina habilis, vel loco servitorum censu  
certo contentus, fœminas æque ac masculos ad feudi  
successionem censetur admittere. *Nob. atq; Excell. Dn.  
Præs. cit. loc. cap. 9. §. 8. n. 2.* ubi addit hanc rationem, quia  
ipse Dominus removit id, quod aliàs fœminas excludit;  
unde etiam in istiusmodi feudis simul cum masculis, nisi  
appareat ex investiturâ, dominum solum masculos he-  
redes intelligere, succedunt. Succedunt denique fœmi-  
næ in feudo merè hereditario **Erblichn**; quia in hoc suc-  
ceditur communi modo. In iisdem casibus, quib9 fœmi-  
næ admittuntur, idem jus habet Clericus, qui insuper et-  
iam à feudo Ecclesiastico repelli non debet. Item furio-  
si mente capri, surdi, muti, cœci & claudi, si feudum est  
ab omnibus servitiis liberum, aut alias illud, vel etiam  
ipse imperfectus ita sit comparatus, ut non obstante istâ  
imperfectiōe possit ea, quæ ratione feudi alicujus exi-  
guntur, præstare, succedere possunt. *Nob. atq; Excell. Dn.  
Præs. loc. cit. n. 7. & 8.*

XXII. Succedunt porrò vi pacti ne potes ex filia, sed  
perinde ut fœminæ *i. e.* deficientibus demum omnibus  
ex linea masculinâ prognatis, iisdemque casibus.  
Illegitimè nati, si ipse Dominus feudi eos expressè  
ad successionem velit admissos, vel si Dominus inve-  
stiat talem pro se & filiis suis natis & nascituris, sciens  
Vasallum non alios quam naturales, sive legitimatos ha-  
bere item matri feudum fœmineum habenti, & si alios  
post se liberos legitimos relinquat simul succedere pos-  
sunt.

sunt. *arg. l. 2. l. 8. unde cognat.* licet id neget *Schrader. de feud. part. 7. c. 5. n. 29.* Item, adoptivi et si alias ne quattam quidem ex feudis consequi possint, tamen si nominatim pacto investitura fuerit tantum, ut adoptivi succederent, id quod ex jure feudorum ipsis denegatur, ex hac successione consequi possunt. *Il. f. 48. post. med.* item fratres in feudo novo, si (1.) Dominus vel expressè in id consenserit vel adjecto investitura pacto, quod frater debeat succedere fratri. *I. f. 1. 14. & 20. Il. f. 12.* (2.) si feudum novum est concessum jure feudi antiqui. (3.) si cō tenore in feudo fratres simul sunt investiti, ut quamdiu ipsi vel eorum heredes viverent, feudum haberent. *Il. f. 18.* (4.) si tacitè istam successionem admiserit, quæ tacita voluntas colligitur, si Dominus fratres in communione honorum vivere & feudum ex communibus bonis paternis vel alias utriusque nomine comparatum esse sciverit. *I. f. 20. Il. f. 12.* (5.) si fratres socii simul acquisiverint, (aut alter fratrum suo & alterius nomine ex bonis communibus vel armis communibus) feudum, & simul de eo investiti fuerint, vel saltem alteri fratrum pro se & fratre suo investituram acceperit. *d. I. f. 20. Il. f. 12.* (6.) si cuilibet fratrum feudum datum sit in solidum. (7.) Si sit feudum merè hereditarium.

XXIII. Vi hujus successionis succedunt ascendentes *v. g.* Pater si favore filii feudum antiquum refutaverit, ut filius investiretur; quia Patre cā lege refutante feudum, ut filius & ejus heredes id possiderent; undè ista conditione deficiente ad pristinum statum revertitur, & ita recuperatio & consolidatio magis, quam successio vocanda est; Succedit etiam, si filius respectu benè meritorum patris, ejusque contemplatione de feudo investitus

titus fuerit. *arg. l. 6. in fin. ff. de collat.* item si feudum & merè hereditarium. *arg. Nov. 118. c. 3.* Et hisce casibus ascendentes non solùm succedunt, sed etiam fratribus defuncti præferuntur, & maximè eo casu, quo feudum antiquum Pater filio refutavit vel ipsi, postea absque descendens masculis demortuo, vendidit. In foro Saxonico idem obtinet & omni casu, quo ascendentes, in feudum succedere possunt fratres defuncti excludere videntur. *arg. text. Landr. lib. 1. art. 17. in pr.* Cognati itidem succedunt, si specialiter in investiturâ ipsis est prospectum, siue feudum sit antiquum, siue novum. Item Coniuges in feudo merè hereditario, puta casibus iis planè singularibus, quibus in allodialibus admittuntur. Huc etiam refertur de consuetudine Saxonica recepta simultanea investitura Germ. *die gesamte Hand/die mit Belehnschafft* / quæ posset describi, quod sit actus quo Dominus consensu possessoris Vasalli, aliquem, fidem ipse promittentem, solenniter in Vasallum recipit, eiq; jus in feudo cum aliò commune, per quod in illud succedit, tribuit. Hujus virtute etiam affines, Patres spirituales & quicunq; extranei succedere possunt. Quomodo autem differat ab investitura Jure Communi tradita, & quæ hujus alias sint requisita. *vid. Nob. atq; Excell. Dn. Pres. cit. loc. aph. 14. & 15.*

XXIV. Hoc tamen notandum quod Jure Saxónico extra hanc præter liberos nemo possit succedere neq; in feudo novo neque antiquo. Undè nec agnati ex jure agnationis, sed vi simultaneæ investituræ ad successionem vocantur. Nicht aus Krafft der Erbschafft oder angebohrner Sipschafft sondern allein aus Macht des Bedings und gesampter Hand an Lehn. *Lehn. cap. 6. & cap. 27.* Et quidem omnes pariter, siue proximiores siue remotio-

motiores sint, nisi (1.) in literis investituræ addita sit clausula: *Nach rechter Sipzahl* / hæc enim clausula operatur ut successio secundum regulas Juris feudalis communis formetur, & proximior remotiori præferatur. *Lehn. cap. 3. ibi: dieweil sie auch das Gut &c. Coler. decis. 52. n. 17. seqq.* Servato tamen jure repræsentationis *Schulz Synops. Feud. cap. 8. n. 149.* (2.) Vel omisâ quidem in literis investituræ illâ clausulâ nihilominus de proximioribus aliquid contineatur *v. g. daß die nächsten Vettern in Lehn succediren sollen*; tunc enim secundum graduum prærogativam vocati censentur. (3.) Nisi de consuetudine sit ita receptum, ut proximiores remotioribus simultaneâ investiturâ gaudentibus præferantur. Id quod in terris Thuringiæ observari & simultaneam investiturâ semper secundum gradus prærogativam intelligi tradit. *Schulz. cit. loc. n. 151. Matth. Coler. part. 1. decis. 52. n. 16.* quæ tamen itidem intelligenda sunt, servato Jure repræsentationis: Nec obstat, quod aliàs Jure Saxonico communi, quod ad lineam collateralem, jus repræsentationis locum non habeat, sed remotiores per proximiores gradu *Nov. Elect. p. 3. Const. 18. §. fin. v. g. filii fratris per defuncti fratres excludantur. Landr. lib. 1. art. 3. sub fin.* Nam diversum obtinet de Jure Saxonico feudali, id probo *ex Nov. Elect.* in quâ dicitur, quod in feudis fratrum præmortuorum simultaneâ investitorum filii unâ cum patris jure repræsentationis in stirpes admittantur. *Part. 3. const. 27.* Neque huic ob stare videntur illæ clausulæ in investiturâ adjectæ *v. g. Nach rechter Sipzahl. vel. daß die nächsten Vettern in Lehn succediren sollen* / quia ordinem potius juris in succedendo, quam solam graduum prærogativam respiciunt, atque id tantum operantur, ut, cum alioquin in



successione feudali nulla agnationis ratio habeatur,  
*Lehnrecht d. cap. 6. & 21.* agnatis propter istam clau-  
 sulam adjectam in considerationem veniat, & istam  
 prerogativam, quam habet de Jure Civili, recupe-  
 ret; sufficit interea quod ultra fratris filios suum effe-  
 ctum sortiantur. *Nov. Elect. part. 3. const. 29.* Quod au-  
 tem dictum de necessitate investiturae, id usque adeo stri-  
 cti juris est, ut, si post mortem Patris fratres feudum divi-  
 dunt, per ejusmodi divisionem simultanea investitura  
 pereat, adeoque sibi invicem, nisi post factam divisio-  
 nem simultaneam investituram denuo sint affecti, suc-  
 cedere prohibeantur. *Lehn. c. 32. in pr. Ein Herr mag*  
*vielen Brüdern &c. v. wenn sich aber &c.* Id confirmatur  
*Nov. Elect. part. 3. const. 45. S. gleicher Gestalt.*

XXV. Quia tamen res transire solet cum suo onere.  
*L. 17. C. de distract. pign.* cum naturae conveniens sit, com-  
 modum suum sequi incommodum. *l. 10. ff. de Reg. Jur.*  
 inde non iniquum est, quod sentiens commodum suc-  
 cessionis etiam sentire debeat concomitantia incom-  
 moda; quae proveniunt si feudum cum onere exsolven-  
 di debita a Vasallo contracta ad successorem transit; ut  
 autem sciamus quo casu id contingat, distinguendum  
 est inter feudum hereditarium *Erblehn* & ex pacto &  
 providentia *Stamtlehn*. Feudum hereditarium est vel  
 meretale vel mixtum, in illo cum plane instar rei allo-  
 dialis ferè se habeat, sive consensus Domini intervenerit  
 nec ne. Vasallus cui feudum desertur, quavis onera sen-  
 tit; sed in feudo mixto hereditario non aliter quam cum  
 consensu Domini. In feudo ex pacto & providentia,  
 distinguitur inter onera feudi. Germ. *Lehnschulden* / & o-  
 nera Vasalli *Erbschulden*.



XXVI. Onera feudi vel veniunt ex oppignoratione, vel ipso Jure inhaerent; Si veniunt ex oppignoratione, tunc aut solus Dominus consentit in istam, aut soli agnati, aut Dominus & agnati consensere. Primo casu. Successores feudales, si feudum est novum, quia causam succedendi ab ipso oppignorante habent, debitum utiq; solvere tenentur, (non tamen illi, quos Jur. Sax. simultanea investitura ad successionem vocat. *Dn. Carpz. p. 2. c. 46. def. 4.*) Sin feudum est antiquum, tunc succedentes, quia ipsis non consentientibus vi primæ investituræ nullū potest fieri præjudicium nullo modo tenentur. Secundo casu, (nisi feudum alicui expressè concessum fuerit cum potestate pro lubitu oppignorandi. *arg. ll. f. 48.*) oppignoratio planè est invalida, adeoq; nullas etiā respectu agnatorum habet vires *Dn. Franzh. lib. 3. resolut. 8.* (nisi agnati præter consensum se ad debiti solutionem adstrinxerint, tunc enim quin obligentur, nullum est dubium. *Dn. Carpz. p. 2. c. 46. def. 10.*) Ergo multo minùs postea vires accipere & successorem ad debitum solvendum obligare poterit. Tertio casu, nisi fortè consensus expiraverit, agnati qui consensere, eorumq; descendentes creditum exsolvere tenentur; Consensus autem expirare potest, quando restringitur ad tempus *v. g.* biennium, triennium &c. Quo tempore elapso & prorogatione non impetratà jus pignoris extinctum est. *Magn. Dn. Richter/ Præceptor meus omni, quæ per est, reverentiâ afficiendus, de Conc. credit. Class. 4. Sect. 2. n. 102.* Quæ verò jam dicta sunt de oppignoratione expressâ referri nolumus ad tacitam hypothecam, cum enim jure feudali singulariter traditum sit, ut nulla hypotheca absque consensu Domini valere possit, quapropter nec tacita hypotheca alias Jure

Civili statuta, locum habere poterit, id quod affirmat. *Const. Elect. p. 2. c. 25.* nisi moribus circa certa onera contrarium observetur. Quamquam etiam *Constit. Elect. 45. in fin.* tacitam hypothecam, si agitur de dote repetenda, expressè permittat, item si agitur de dotatione filiarum Vasalli. *Eorg. Aufschreib. 45. §. Es trägt sich offtz zu.* Vel de legitima ex novis feudis filiabus præstanda. *Hart. Piff. 2. q. 38. n. 63.* Idem statuendum est si agitur de tacita hypothecâ, quam præten dit pupillus in bonis tutoris, nam & illa in subsidium iusta est,

XXVII. Onera feudi, quæ ipsô Jure feudô inhærent, secundum æquitatem ex feudo à quolibet possessore veniunt præstanda. *Bevlich. p. 2. conclus. 55. n. 35. & 80.* Et debentur vel simpliciter, vel in subsidium ob singularem causæ favorem. Quæ simpliciter debentur, ante excussionem rerum hereditariarum seu allodialium ex feudo sunt præstanda. *Nob. atq; Excell. Dn. Præs. Syn. Jur. Feud. cap. 14. aph. 6. n. 1.* Et sunt. (1.) Debita in ipsius feudi utilitatem versa. (2.) residuum precii quo feudum est emtum. (3.) Dotalitium. Ad primi generis debita nisi Vasallus litem temere suscepit, refertur solarium advocati. Quod secundum attinet, ita statutum est in *Const. Elect. 46. p. 2.* Tertiunt German. vocatur *Leibzucht/ Leibgeding/ gegenvermächtniß/* & inter personas Illustres *Wittthumb.* ac posset describi, quod sit donatio, quam facit Maritus, vel etiam eo mortuo successor feudi in compensationem dotis ad hoc, ut uxor post mortem mariti, usque ad vitam ea utatur fruatur. Constituitur autem dotalitium potissimum in feudalibus, & interdum etiam in sce deficientibus in bonis allodialibus. *Sandr. lib. 3. art. 75. in pr.* & quidem duobus modis; vel enim redditus annuus viduæ

viduæ solvitur. *Dn. Carpz. 4. resp. 54.* Vel certum secundum traditur ipsi, & usus fructus illius conceditur, quo posteriori casu cautionem præstare, inventarium conficere, & collectasolvere tenetur. *Nob. arg. Excell. Dn. Præf. cit. loc. apb. g. n. 3.*

XXVIII. Diximus in definitione dotalitii, quod fiat in compensationem dotis; deficiente verò hac causa, maritus, vel eò defuncto ejus heredes ad dotalitium constituendum compelli non possunt. *Nov. Elect. p. 2. const. 44. in pr.* Quod usque adeò verum est, ut, etiamsi in vitâ mariti pactis dotalitiis de dotalitio constitutendo conventum esset, vel etiam vidua post obitum mariti dotem inferre parata sit, dotalitium petere non possit. *Schults. c. 8. n. 233.* Unde petens dotalitium dotis illationem primum probare tenetur; nec confessio mariti dotem sibi numeratam fuisse asserentis, licet heredes mariti obligatos reddat, agnatis in feudo succedentibus nec creditoribus præjudicat, & ita non relevat viduam ab onere probandi, dotem esse illatam. Viduæ tamen non statim dotalitium constituatur si probavit dotem fuisse illatam, sed etiam prius constare debet, an dos illata in utilitatem feudi sit conversa, nec ne; si prius nullum est dubium, quin dotalitium constitui debeat. Sin posterius, distinguendum est inter successores, filios scilicet & agnatos; filii quia non possunt venire contra factum parentis, tenentur dotalitium constituere; agnati verò & alii successores non tenentur; hi tamen in casu dubio debent probare dotem in utilitatem feudi non esse conversam, præsumtio enim est pro viduâ & sufficit probasse dotem realiter numeratam & illatam fuisse. Dantur præterea quædam exceptiones, quibus viduæ licet dotem vivente ma-

rito non solyerit, modo postea offerat; dotalitium tribuitur: (1.) Si mariti culpa factum sit, quo minus dos ex-  
acta fuerit. (2.) si dos ad certum diem promissa sit, & an-  
tequam is veniat, maritus moriatur. (3.) si maritus saltem  
simpliciter de dote solvenda fidem habuit. (4.) Si dos  
ab alio, quam ab uxore solvi debuit. *Schulz. cit. loc.*  
Quamvis de jure moderno & consuetudine præprimis  
Saxonica expeditum sit, ut, licet uxor vivente Marito  
dotem promissam non intulerit, attamen si post mortem  
eius eandem adhuc offerat, ei successores feudi dotaliti-  
um constituereteneantur, nec attenditur, utrum mulier  
in morâ solvendi fuerit, nec ne; modo dotem offerat unâ  
cum debito interesse, nisi heredes mariti vel alii succes-  
sores illud viduæ condonaverint.

XXIX. Modus verò in constituendo dotalitio talis  
adhibetur, utreditum vidua percipiat exæquantem usu-  
ras legitimas, pro quantitate illatæ dotis duplicata com-  
putandas. *Nob. atq; Excell. Dn. Pras. cit. loc. aph. 11.* Et hic  
modus si observatur dotalitium de bonis feudalibus  
constitui potest absque agnatorum, simultaneè investi-  
torum, & Domini feudi consensu: Sin non observatur  
talismodus, utique illorum consensus requiritur, alias  
illud quod excedit, inutile est, non vero totum dotaliti-  
um. *arg. l. 34. post pr. C. de donat.* De Jure Saxonico con-  
trarium observatur, & heredes dotalitium absque eo-  
rum consensu in bonis feudalibus constitutum, etiam si  
modum legitimum & usitatum excedat, servare tenen-  
tur; Ergo multo minus requiritur eorum consensus, si in  
bonis allodialibus dotalitium constituitur. *LandX. lib. 3.  
art. 75. in pr. nec interest, si bona allodialia sunt a vita arg.  
Nov. Elect. p. 2. const. 12.* Suggestit tamen *Schulz. cap. cit.*

n. 243. hanc cautelam, quod nim. ad evitandas disputa-  
tiones tutius incedant illi, qui consensum Domini & a-  
gnatorum (hi enim absque causâ sufficienti dissentire  
non possunt) adhibuerint.

XXX. Porro si mulier dotem quidem tribuit, sed  
ei vivente marito dotalitium non est constitutum, in li-  
bera viduæ electione positum est: utrum vel dotem illa-  
tam unâ cum fructibus seu usuris repetere, utrum eâ di-  
missâ dotalitium postulare velit. *Nov. Elect. part. 2. const.*  
41. Si verò mulier constitutum dotalitium semel agno-  
vit, tunc eo relicto dotem repetere non potest. *Nov. Elect.*  
*part. 2. const. 42.* & è contrario, si repudiato dotalitio do-  
tem petit, postea dotalitium postulare non potest, sed  
viam quam elegit tenetur ambulare, & sufficit, quod ab  
initio tam liberam eligendi facultatem habuerit, ut ne-  
sta, licet in pactis dotalibus aliter sit constitutum, pro-  
pterea impediri possit. Remedia quibus dotalitium con-  
sequitur vidua, hæc sunt: (1.) Competit ipsi contra suc-  
cessores feudales conditio. (2.) si fuerit in possessione  
bonorum feudalium, jus retentionis. (3.) si dotalitium  
in feudo quodam à marito ritè constitutum est, potestas  
propriâ autoritate occupandi. *Nob. atq; Excell. Dn. Præs.*  
*cit. loc. aph. 14.* Constituto itaque dotalitio vidua, ut pa-  
ret ex definitione, usque ad mortem quidem utitur; ni-  
hil tamen, quod proprietati præjudicat, facere potest.  
*arg. l. 22. C. de Jur. dot.* Interea dos illata prorsus extin-  
guitur & penes mariti heredes, atque successores feud  
pleno jure remanet. *Nov. Elect. p. 2. const. 42.* nisi pactis  
dotalibus aliter conventum sit. Interdum tamen & do-



te naturali. Prius probo *arg. l. 8. §. 3. 5. C. de re quid.* Nisi maritus vel dissimulando, vel tacendo, vel expressis verbis delictum commissum condonaverit. *Nov. Elect. p. 2. Const. 21.* Huc autem non spectat si post obitum mariti luxuriosè & in fornicatione vivat. Posterius probo *per tex. Landr. lib. 1. art. 32. in pr.*

XXXI. Eveniente itaque tali casu de fructibus sollet controversi ad quem nam pertineant? R. Priori casu indistinctè pertinent ad successores mariti. Posteriori casu distingui debet inter fructus naturales, industriales, & Civiles, si sunt naturales, tunc aut sunt percepti & separati, aut adhuc in fundo feudali pendent. In istis viduæ heredes succedent. In his verò inter novum feudi successorem, & viduæ, vassalli heredes fit divisio. *arg. l. 7. ff. solut. Matrim.* De jure Saxonico fructus naturales unâ cum fundo feudali ad novum transeunt possessorem *arg. Landr. lib. 2. art. 58.* nec excipiuntur fructus, qui ex pomariis percipiuntur, ut sunt: Poma, pira, &c. nihilq; refert, quod quidam distinguant per textum *Landr. lib. 1. art. 58.* utrum vidua ante diem Urbani, an verò post illam decesserit; Hæc enim distinctio in foro non attenditur, cum expressè sublata sit *Nov. Elect. part. 3. Const. 31. §. Die Früchte aber.*

XXXII. Fructus industriales pendentes quod attinet, illi modo ad feudi successorem, modo ad viduæ heredes pertinent. Ad feudi successorem perveniunt, si vidua ante calendas Martii vel post Augustum decesserit. Ad viduæ verò heredes spectant si vidua medio tempore inter Martium & Augustum moriatur. *Il. f. 28. §. his consequenter.* Singulare tamen est in illis fructibus qui tardius percipi solent, ut vindemiarum, qui heredibus viduæ



viduæ addicuntur et si post Augustum mense septembris  
decesserit vidua *Nob. atq. Excell. Dn. Pras. Syn. Jur. Feud.*  
*cap. 15. aph. 16. n. 4.* Jure Saxonico omnes fructus indu-  
striales, qui ex agro satō & rastris subactis proveniunt,  
(was die Egde bestrichen hat) ad defunctæ viduæ heredes  
pertinent. *Landr. lib. 2. art. 58. Nov. Elect. p. 3. const. 32.*  
Idque etiam procedit in fructibus hortorum, qui curâ &  
industriâ hominum proveniunt. v. g. rapæ lactuca &c.  
Si enim horti in vitâ viduæ sunt fossi culti, sati & subacti,  
fructus exinde nascentes ad viduæ heredes pertinent, ut  
patet ex *Landr. allegat. loc.*

XXXIII. In fructibus verò civilibus, ut sunt: deci-  
mæ, annuus census &c. distinguitur, utrum dies vivente  
viduâ venerit, nec ne; Priori casu ejusmodi fructus civi-  
les ad heredes viduæ pertinent. Posteriori autem casu  
si nim. ante diem solutionis vidua decessit, tunc ratione  
temporis inter heredes viduæ & novum feudi possessore  
dividuntur. *arg. l. 7. ff. solut. matrim.* A Priori casu  
non dissentit Jus Saxonicum, quod omnes decimas,  
census, redditus & alios fructus civiles viduæ heredibus  
tribuit. *Landr. lib. 2. art. 58. v. Zins von Mühlen.* Quod  
etiam confirmat. *Nov. Elect. p. 3. const. 32. §. was aber.* In  
posteriori tamen casu subdistinguit, utrum decimarum,  
censuum & reddituum annuorum dies intra aut post tri-  
gesimum diem à morte viduæ venerit. Si post mortem  
viduæ intra trigessimum venit, tunc decimæ, census, re-

neque post mortem ejus intra trigessimum venerit, tunc hi fructus inter heredes viduæ & novi feudi possessorem dividendi sunt. *Nov. Elect. p. 3. const. alleg.* Et hæc dicta sunt de oneribus quæ ex feudo simpliciter debentur.

XXXIV. Quæ debentur in subsidium, ob singularem causæ favorem, sunt: (1.) Educatio atque dotatio filiarum. (2.) Alimenta filiis ob animi corporisve vitium ad succedendum in feudo inhabilibus præstanda. (3.) legitima eorum, qui in eâ læduntur & (4.) impenſæ in funus defuncti Vassalli erogatæ. Circa educationem filiarum notandum, quod ex feudo, si aliunde haberi non potest, tam diu, donec nubant pro familiæ dignitate & facultatibus feudi debeant ali; Æquitas verò consistit in eo, quod nim. durum & in humanum foret, eam à feudo, quod parens habuit, ita excludi, ut ne alimenta quidem ei relinquantur & ita vel fame interire, vel cum dedecore Parentis mendicare aut de corpore suo turpem quæstum, quo se sustentare possit facere cogatur. Dotem quod attinet illa debet esse congrua, cujus quantitas, si de eâ inter partes non convenerit, committitur Judici. *Coler. l. dec. n. 18.* nec opus est ut agnati intersint isti determinationi. De consuetudine Thuringicâ ita obtinet, ut dotatio in singula florenorum millia, quibus feudum ratione proventuum communiter æstimari solet, quinquaginta floreni computentur; Et ex feudis debetur potissimum, si vassallus vel nulla vel exigua bona allodialia, quæ filiabus dotandis haut sufficiunt, possederit. In foro Saxonico ita observatur, ut, si patre defuncto filia, undè dotari possit, non habeat, frater, sive agnatus, vel quicumque successor, ex feudo secundum dignitatem personæ, ac quantitatem Patrimonii eam dotare teneatur;

tur; quantitas verò ejus magis ex jure & arbitrio Domini feudi, quam lege feudali æstimatur. Dicta tamen non accipi debent, quasi priùs ipsis, quam æs alienum exsolvitur, dos debeatur, quod probò exinde, quia dos constituitur ex bonis paternis *l. 60. l. 69. §. 4. ff. de Jur. dot.* quod autem pater alteri debet, id non est in bonis suis. *l. 39. §. 1. ff. de V. S.* Ergo nec dos constituitur nisi ære alieno soluto. *l. fin. in pr. ff. quæ in fraud. cred.* & per consequens æs alienum ante dores creditoribus persolvendum venit. *l. 8. §. 9. ff. de ineffic. testam.* Sed detractò ære alieno dos filiabus ad eò debetur, ut ipsis etiam nomine dotium in feudis paternis jus retentionis tamdiu, donec dos constituat, competat.

XXXV. Alimenta inhabilibus præstanda sunt, si feudum sit magnum (undè in feudo Regali frater succedens erga reliquos fratres sepium exhibere, iisdemque pro familiæ dignitate alimenta assignare tenetur. *A. B. rit. 24. §.* denn wenn andere Fürstenthumb / *sub fin.* und sich gütlich und mildlich beweisen.) Sive parvum; nec obstat. *l. f. 6. §. 3.* ubi verba: si feudum fuerit magnum non hanc continere videntur restrictionem, ac si aliud obtineat, si feudum fuerit parvum, sed solùm exprimunt quod inhabili, muto, aliisque imperfectis ex feudo magno plenè & uberrimè relinqui debeat, unde se sustinere possint. *Nob. atq. Excell. Dn. Pras. cit. loc. aph. 18. n. 2.* Ceterum illegitimè natis alimenta non debentur de jure stricto; Moven-

28. n. ult. licet Berlich. *concl.* 55. n. 70. & 71. Contrarium statuat.

XXXVI. Quamvis legitima filiabus ex feudis, nisi sint hereditaria, non debeatur, adeoque nec in eâ possint lædi, ex hâc ratione, quia legitima debetur tantum illis, qui ab intestato sunt successuri. *l. 6. §. 1. l. 8. §. 8. ff. de inoff. testam.* foeminam autem in feudis non succedere, constat ex rhel. E. nec legitima ipsis debetur, & per consequens, in eâ non possunt lædi. Nec dissentit Jus Saxonicum cujus vigore filia, (quibuscunque feudum fuerit concessum) legitimam petere non possunt ut patet ex *Const. Elect. tit. Ob Töchter aus neu erkauften Lehngütern legitimam zu fordern habtn / vers. in allen andern Fällen aber so das Lehn alt / Großväterlich / oder auch allein Väterlich were / &c.* sol daraus den Töchtern keine legitimam zu fordern gebühren und zustehen. Casus tamen obvenire potest, quo legitima ipsis non est deneganda, puta: Si pater omnia bona sua allodialia, vel maximam eorum partem distrahat & in emtionem feudi convertat; Non obstantibus quæ dicta sunt superius ad ea enim respondet *Nob. atq. Excell. Dn. Prasf. cap. 14. aph. 19.* Concedendo quidem, ex ipso feudo in se considerato non posse peti legitimam; tamen ob comparationem feudi, quâ filia in legitimâ defraudantur, illos, ad quos venit à Patre feudum, filiabus satisfacere teneri. Non diversum obtinet, in Electoratu Saxonico. Quantitas tamen non observatur ea, quæ à jure communi definita est, sed talis adhibetur modus, ut, si fortè duo vel tres tantum liberi relinquuntur, quadrantem, & si quatuor vel plures sint superstites, trientem legitimæ quantitas non debeat excedere. Ceterum, si pater feudum antiquum vendiderit, &

ex illius pecuniâ redacta novum feudum emerit, aut novum feudum ex liberalitate Domini acceperit, filia ex feudo legitimam petere non possunt. Successores feudi etiam obstrictos esse impensas in funus defuncti Vasalli exsolvere, summa urget æquitas, & singularis causæ favor, ne scil. demortuus, non sine quadam ejus injuria insepultus jaceat. *Nob. atq; Excell. Dn. Pras. cit. loc. aph. 20.* Et hæc de oneribus feudi.

XXXVII. Propter onera Vasalli contracta debita successores feudales non indistinctè solvere tenentur. *II. f. 45. in pr.* sed distinguendum est inter feudum novum & antiquum; feudum novum, quia jure successionis defertur ita, ut successores causam succedendi obtrineant à defuncto, propterea isti in subsidium ex feudi fructibus ad satisfaciendum creditoribus defuncti teneri statui-  
mus. In feudo verò antiquo subdistinguiamus inter personas succedentes, filium & agnatos, seu reliquos; filius etiam hæc debita solvere tenetur, non tamen agnati & ceteri successores. Jure Saxonico quia agnati non nisi vi simultanæ investituræ, adeoque jure proprio etiam in feudo novo succedunt, quapropter ad æs alienum solvendum, nisi cum feudo quoque hereditatem allodialem adierint non obstringuntur; Eadem Juris dispositio est, si succedunt in feudo antiquo.

XXXVIII. Ne autem successores feudales, cum beneficium neminem debeat decipere. *l. 17. §. 3. ff. de*



sunt adire, i. e. vel absque inventario, vel cum beneficio inventarii. Si feudum & hereditatem simul repudiant, nulla onera exsolvere coguntur, quoniam commodum non sentientes neque incommodum sentire debeant; Item: si feudum retinent & hereditatem repudiant, nisi de consuetudine aliud sit receptum, vel nisi feudum sit Regale, in hoc enim successores debita à prædecessore utiliter contracta agnoscere debent, licet non simul sint heredes in allodialibus. Sin successores feudum & hereditatem adeunt, tunc non quidem ut successores feudales sed quatenus heredes onera hereditaria ferre tenentur, & quidem si adeunt cum beneficio inventarii, tunc non ultra vires hereditatis, si verò abque inventario adeunt, etiam ultra vires hereditatis tam de Jure communi quam Saxonico tenentur. Landr. lib. 1. art. 6. in pr. In foro tamē Saxonico nihil interest, an inventarium confectum sit, nec ne, cum nunquam ultra vires teneatur heres. Schrader. part. 7. c. 7. n. 34. v. quod tamen. Singulare quoddam est in filio, qui hisce beneficiis planè non gaudet, sed utrumque aut debet retinere, aut utrumque (feudum scil. & hereditatem) repudiare II. f. 45. Nec, si illud cum inventario apprehendere velit, ipsum quicquam juvat, nam debita à patre contracta etiam ultra vires hereditatis exsolvere tenetur. Const. Elect. 47. part. 2. ibi wollen auch das alle andere diction de confectiōe inventarii dissals zu übergehen sey. Ord. Torgens. tit. welcher Gestalt die Agnaten und Wittbelehnten S. da aber ein Vater bey seinen Leben post. pr. v. und doch am Erbe so viel nicht verhanden/das von denselben die Schulden bezahlet werden mögen. ibi: oder auch die Söhne ein Inventarium gemacht hätten. Ratio, quā filii hāc in parte deterioris conditionis sint, quam



quam agnati, in eo posita esse videtur, quia filii, cum habeant esse suum à parentibus, strictius teneantur honorem parentum defendere quam agnati.

XXXIX. Deficientibus tandem legitimis successoribus, non fiscus, sicuti de Jure Communi obtinet. *l. 4. C. de bon. vacant.* succedit; sed ad Dominum revertitur. *l. f. 13.* & quidem regulariter liberum, quia Dominus non ex successione; verum jure Dominii directi illud recipit; Hinc nec in feudo hereditario, nec in feudo ex pacto & providentia, siue fuerit novum siue antiquum; nisi hypotheca ejus consensu fuerit constituta, ulla sentit onera, adeò, ut nec residuum precii, quo feudum est emptum solvere cogatur; in ceteris feudi & Vassalli oneribus eodem jure, quod habet agnatus secundum supra dicta, utitur; sicuti etiam in ejus commodo, unde si quando Vassallus defunctus varia habuit feuda, tunc quilibet Dominus eas res expeditorias, quas in suo feudo invenit lucratur; sicuti etiam meliorationes, siue necessitatis siue utilitatis siue voluptatis gratia sint adhibitæ; & quidem pleno jure, absq; ulla oblatione & refusione pretii & impensarum. *Sandr. lib. 2. art. 21. v. wird es aber freyleidig seinen Herrn. Const. Sax. tom. 2. part. 2. §. 38. n. 2. & seqq. Nov. Elect. part. 3. const. 31.*

Tantum ratione instituti.

## COROLLARIA.

1. Feudum neq. nobilitat, neq. Regalia possidenti confert.
2. Vasallus potest esse major suo Domino.
3. Imperium nostrum non est feudum Pontificis.
4. Fœmina feudum dare possunt.
5. Liberi ante acceptam à patre nobilitatem nati non agnoscuntur nobiles, ac postea nati.
6. Agnatis, dum feudum alienatur, competit Jus recom-  
pensationis.
7. Feudum emptum non est improprium.
8. Appennagium inter illustres personas usitatum est equi-  
tati conveniens.
9. Vasallus Dominum suum de crimine accusare non potest.
10. Sub infeudatio Vasallo permessa est.
11. Cambium non est inter contractus usurarios referendum.
12. Vasallus Domino invito feudum refutare potest.
14. Salgamm militibus est præstandum.
15. Vicariis de feudis Regalibus investiendi nulla est conces-  
sa potestas.
16. Fidelitatis iuramentum per procuratorem præstare Va-  
sallo licet.
17. In feudo præscripto investitura non est necessaria.
18. Vectigal inter Regalia numerandum est.
19. Q. An Studiosus abituriens, qui aliena bona rebus suis  
adjicit, iisq. quo à vectigali immunes sint, generaliter in-  
scribit: Studentem Guth: re compertâ bona sua amit-  
tat. Nègatur de Jure; Verùm praxi ipsius casus admo-  
dum videtur periculosa.

F I N I S.

